



Broj: 05-04-20-2774-5/20
Datum: 08.10.2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-2774-4/20 od 07.10.2020. godine, Općina Maglaj, ovlašteno lice ugovornog organa Načelnik općine Maglaj d o n o s i

ODLUKU
o izboru najpovoljnijeg ponuđača
u postupku javne nabavke usluga na zimskom održavanju za 2020/2021. godinu
(LOT 1)

I

Najpovoljnija ponuda u postupku javne nabavke „Usluge na zimskom održavanju lokalnih i nekategorisanih cesta na području općine Maglaj za 2020/2021. godinu, u periodu od 15.11.2020. godine do 15.03.2021. godine“ za LOT 1 (Zimsko održavanje lokalnih i nekategorisanih cesta za 2020/2021. godinu, cesta širine do 4,0 m u dužini od 7,8 km i cesta širine preko 4,0 m u dužini od 14,4 km) je ponuda ponuđača „Hajdić“ d.o.o. Maglaj, u iznosu od 23.310,00 KM bez PDV-a, odnosno 27.272,70 KM sa uračunatim PDV-om.

II

Izabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke, u skladu sa članom 71, stav 2. Zakona o javnim nabavkama.

V

Ova odluka ima se objaviti na web stranici Općine Maglaj, u skladu sa članom 70, stav 6. Zakona o javnim nabavkama.

Obrazloženje

Odlukom o pokretanju postupka, broj 05-04-20-2774/20 od 14.08.2020. godine, pokrenut je postupak javne nabavke „Usluge na zimskom održavanju lokalnih i nekategorisanih cesta na području općine

Maglaj za 2020/2021. godinu, u periodu od 15.11.2020. godine do 15.03.2021. godine“, koji je podijeljen na četiri lota:

- LOT 1: Zimsko održavanje lokalnih i nekategorisanih cesta za 2020/2021. godinu, cesta širine do 4,0 m u dužini od 7,8 km i cesta širine preko 4,0 m u dužini od 14,4 km
- LOT 2: Zimsko održavanje lokalnih i nekategorisanih cesta za 2020/2021. godinu, cesta širine do 4,0 m u dužini od 4,0 km i cesta širine preko 4,0 m u dužini od 20,9 km;
- LOT 3: Zimsko održavanje lokalnih i nekategorisanih cesta za 2020/2021. godinu, cesta širine do 4,0 m u dužini od 11,3 km i cesta širine preko 4,0 m u dužini od 11,0 km;
- LOT 4: Zimsko održavanje lokalnih i nekategorisanih cesta za 2020/2021. godinu, cesta širine do 4,0 m u dužini od 17,5 km i cesta širine preko 4,0 m u dužini od 6,1 km.

Predmetna javna nabavka objavljena je na Portalu javnih nabavki, obavještenje o nabavci broj: 1140-1-2-37-3-35/20 od 18.08.2020. godine. Kriterij za dodjelu ugovora je najniža cijena.

U ostavljenom roku za dostavljanje ponuda pristige su dvije ponude za Lot 1, po redosljedju zaprimanja kako slijedi:

r/b	Naziv ponuđača	Cijena bez PDV-a u KM	Cijena sa PDV-om u KM
1.	„KM-gradnja“ d.o.o. Tešanj	29.392,80	34.389,58
2.	„Hajdić“ d.o.o. Maglaj	23.310,00	27.272,70

Komisija za javne nabavke, imenovana Odlukom broj 05-04-20-1392/20 od 20.04.2020. godine, izvršila je javno otvaranje ponuda u predmetnom postupku dana 01.10.2020. godine s početkom u 12,15 h. Otvaranju nisu prisustvovali predstavnici ponuđača. O otvaranju ponuda Komisija je sačinila odgovarajući zapisnik, koji je bez odlaganja dostavljen svim ponuđačima.

Na zatvorenom sastanku, održanom dana 01.10.2020. godine, Komisija je pristupila pregledu i ocjeni ponuda. Ponuda ponuđača „Hajdić“ d.o.o. Maglaj ocijenjena je prihvatljivom, dok je ponuda ponuđača „KM-gradnja“ d.o.o. Tešanj ocijenjena neprihvatljivom. Naime, Komisija je utvrdila da ponuđač „KM-gradnja“ d.o.o. Tešanj nije dostavio odgovarajući dokaz o ispunjavanju uslova tehničke i profesionalne sposobnosti koji se odnosi na ranije izvršene ugovore. Tenderskom dokumentacijom je propisano: „Ponuđač koji se prijavljuje za više lotova može dostaviti jednu potvrdu o uredno izvršenom ugovoru/ugovorima, ukoliko je na njoj naznačena vrijednost ugovora jednaka ili veća od ukupne vrijednosti tražene tačkom 3.4.1.a) TD za pojedinačne lotove za koje se ponuđač prijavljuje.“ Vrijednosti ranije izvršenih ugovora tražene tačkom 3.4.1.a) tenderske dokumentacije iznosile su minimalno 24.000,00 KM (ako se ponuđač prijavljuje za Lot 1), minimalno 30.000,00 KM (ako se ponuđač prijavljuje za Lot 2), minimalno 26.000,00 KM (ako se ponuđač prijavljuje za Lot 3), te minimalno 26.000,00 KM (ako se ponuđač prijavljuje za Lot 4), sve bez PDV-a. Ponuđač „KM-gradnja“ d.o.o. Tešanj prijavio se za sva četiri lota i u ponudi je dostavio spisak izvršenih ugovora i Preporuku za dobro izvršene poslove, broj 04-45-2-1663/20 od 18.08.2020. godine, gdje su navedeni relevantni ugovori u ukupnoj vrijednosti od 63.002,16 KM. S obzirom da navedeni iznos ne zadovoljava naprijed navedeni zahtjev iz tenderske dokumentacije, te da član 2. stav (1) tačka 1) Zakona neprihvatljivom definiše ponudu koja ne ispunjava uslove koji se traže tenderskom dokumentacijom. Komisija je ponudu ponuđača „KM-gradnja“ d.o.o. Tešanj ocijenila neprihvatljivom. Posljedično, za usluge tražene u Lotu 1 preostala je samo jedna prihvatljiva ponuda, tako da e-aukcija za ovaj lot nije provedena.

U svom Zapisniku o pregledu i ocjeni ponuda, Komisija je dala preporuku rukovodiocu ugovornog organa da za Lot 1 prihvati ponudu ponuđača „Hajdić“ d.o.o. Maglaj.

Na osnovu svega naprijed izloženog, a budući da ne postoje zakonski razlozi za neprihvatanje preporuke Komisije, primjenom člana 64. stav 1. tačka b) Zakona o javnim nabavkama, odlučeno je kao u dispozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Ponuđači
2. Služba za urbanizam, geodetske i imovinsko-pravne poslove
3. a/a



